



REGLEMENT FAIT PAR LES GENERAVX
Maiſtres des Monnoyes, pour le poids, la loy & le coing
des monnoyes de tous les Prelats & Barons qui ont droit de
faire battre monnoye.

Extrait du Liure entre deux ais de la Cour des Monnoyes, fol. 2. iusques au 14.

Du 5. Feurier
1315.



Et sont les Monnoyes des Barons & des Prelats du Royaume de France, qui se dient auoir droit de faire monnoye telle comme il la doiuent faire de poids, de loy & de coing, qu'il ont faites anciennement. Fait & ordené, par *Jean le Paulmier, Nicolas des Moulins, & Jean de Nuespors* Maiſtres des Monnoyes nostre Sire le Roy, l'an de grace mil cccxv. enuiron Noël, & fu cette copie bailliée par *Maistre Regnaud Clerc des Monnoyes*, Lundy xvii. iour de May l'an mil cccxvi.

Par lequel registre & dits feuillets se voit que lesdits Generaux Maiſtres reglerent en loy, poids & cours les monnoyes du Comte de Neuers, du Duc de Bretagne, celles de Louys de Clermont, & du Prieur de Saigny, du Comte de la Marche, de Messire Audry de Saunegny Vicomte de Bursse, du Sieur Pierre de Brisse Sire de Hivet & de sainte Seuerre, de l'Archeuesque de Rheims, du Comte de Soissons, du Comte de saint Pol, de la Dame de Chasteau-Villain-More, du sieur de Sully, de Robert d'Artois Sire de Meun-sur-Yeuve, de l'Euesque de Maguelone, de l'Euesque & Chapitre de Clermont, monnoye du Mans, du Vicomte de Limoges, de l'Euesque de Laon, du Comte de Reibel, monnoye d'Angers ou du Comte d'Anjou, du Comte de Vendosme, de Madame de Neelle Dame de Chasteaudun, monnoye de Chartres à M^{rs} sieur de Valois, de l'Euesque de Meaux, du Comte de Sancerre, monnoye de Madame de l'ison, du Seigneur de Chasteau-Raoul, de l'Euesque de Cahors, de la Dame de Fauquenbergue, la monnoye du Duc de Bourgogne, du Comte de Poitiers, & du Comte de Blois.

Permission donnée par la Cour aux Prelats & Barons, ayans propres Monnoyes closes par mandement du Roy, d'icelles ouurer sur le poids, la loy & le coing qui leur en est prescript par les Maiſtres des Monnoyes le Roy.

Extrait du Thresor des Chartes, & de la Layette Monetarios.

CE sont les Barons qui ont propres Monnoyes en leurs terres, auxquels l'en auoit fait commandement pour certaines causes, de cesser d'ouurer, iusques à tant que chacun eust receu de la Cour, le poids & la loy & le coing ancien dont il doit ouurer: auxquels Barons par leurs Procureurs fondez souffisamment sur ce, deliurance a esté faite par la Cour. de leurs Monnoyes en la maniere qui s'ensuit; L'an 1315. 5. iour de Feurier, & doiuent lesdits Barons commencer à faire ouurer le premier iour de Carême, & non auant; & a esté faite ladite deliurance par les *Maiſtres des Monnoyes le Roy en la presence des gens des Comptes.*

Premierement, au Comte de Blois par *Maistre Ligier Siret* son Procureur, requerant pour ledit Comte la deliurance de sa monnoye, fu deliuré par la Cour, par certain écrit, le poids, la loy & le coing ancien de ladite Monnoye: & fu enuoyé ledit écrit au Bailly d'Orliens, pour deliurer audit Comte ou à son Procureur, pour commencer à ouurer en celle forme à la iournée deuant dite.

Item, au Comte de Vendosme par *Guillaume des Hayes* son Procureur, requerant pour ledit Comte la deliurance de sa Monnoye, fu deliuré par la Cour, par certain écrit, le poids, la loy & le coing ancien de ladite Monnoye, & fu enuoyé ledit écrit au Bailly de Tours, pour

deliurer audit Comte ou à son Procureur, pour commencer à ouurer en celle forme à ladite iornée.

Item, l'Euesque de Reims par Maistre Andrié de Banefuil son Procureur, requerant pour ledit Arceuesque la deliurance de sa monnoye, fu deliuré par la Cour, par certain écrit, le poids, la loy & le coing ancien de ladite monnoye, & fu enuoyé ledit écrit au Bailly de Vermandois, pour deliurer audit Arceuesque, ou à son Procureur, pour commencer à ouurer en celle forme à ladite iornée.

Item, au Vicomte de Biauce par M^e Jean Amoureux present son Procureur, requerant pour ledit Vicomte la deliurance de sa monnoye, fu deliuré par la Cour, par certain écrit, le poids, la loy & le coing ancien de ladite monnoye, & fu enuoyé ledit écrit au Bailly de Bourges, pour deliurer audit Vicomte ou à son Procureur, pour commencer à ouurer en celle forme à la iornée dessusdite.

Item, au Seigneur de Chasteau-Raoul par Jean Malcuant son Clerc & Procureur, requerant pour ledit Seigneur la deliurance de sa monnoye, fu deliuré par la Cour, par certain écrit, le poids, la loy & le coing ancien de ladite monnoye, & fu enuoyé ledit écrit au Bailly de Bourges, pour deliurer audit Seigneur ou à son Procureur, pour commencer à ouurer en celle forme à la iornée dessusdite.

Item, à la Dame de Neelle & de Chasteaudun, par Rogier de Lual son Procureur, requerant pour ladite Dame, la deliurance de sa monnoye de Chasteaudun, fu deliuré par la Cour, par certain écrit, le poids, la loy & le coing ancien de ladite monnoye, & fu enuoyé ledit écrit au Bailly d'Orliens, pour deliurer à ladite Dame ou à son Procureur, pour commencer à ouurer en celle forme à ladite iornée.

Item, à la Dame de Virson, par Garnier Carrin Substitut de M^e Jean Cressaut son Procureur, qui de ce a plein pouuoir, requerant pour ladite Dame la deliurance de sa monnoye, fu deliuré par la Cour, par certain écrit, le poids, la loy & le coing ancien de ladite monnoye, & fu enuoyé ledit écrit au Bailly de Bourges, pour deliurer à ladite Dame ou à son Procureur, pour commencer à ouurer en celle forme à ladite iornée.

Item, au Comte de Sancerre par Jean Chief de Roy son message, & specialement enuoyé à ce par son serment, requerant pour ledit Comte la deliurance de sa monnoye de Sancerre, & de sa monnoye de Charanton fu deliuré par la Cour, par certain écrit le poids, la loy & le coing ancien de chacune desdites monnoyes & fu enuoyé ledit écrit, au Bailly de Bourges pour deliurer audit Comte ou à son Procureur, pour commencer à ouurer en celle forme à la iornée deuantdire.

Item, au Comte de Neuers par Jean le Clerc son message, & specialement enuoyé à ce par son serment, requerant pour ledit Comte la deliurance de sa monnoye, fu deliuré par la Cour, par certain écrit, le poids, la loy & le coing ancien de ladite monnoye; & fu enuoyé ledit écrit au Bailly de Bourges, pour deliurer audit Comte ou à son Procureur, pour commencer à ouurer en celle forme à ladite iornée.

Item, à l'Euesque & au Chapitre de Clermont, par Jacques Queuë leur message, enuoyé à ce specialement, requerant pour lesdits Euesque & Chapitre la deliurance de leur monnoye, fu deliuré par la Cour, par certain écrit, le poids, la loy & le coing ancien de ladite monnoye, & fu enuoyé ledit écrit au Bailly d'Auuergne, pour deliurer ausdits Euesque & Chapitre ou à leur Procureur, pour commencer à ouurer en celle forme à ladite iornée.

Item, à Monsieur Jean de Clermont Comte de Soissons par Jean de saint Amurt, & Barthelemy Arengier ses Procureurs à ce specialement enuoyez, requerans la deliurance de sa monnoye de Soissons, fu deliuré par certain écrit, le poids, la loy & le coing ancien de ladite monnoye, & fu enuoyé ledit écrit au Bailly de Vermandois pour l'y deliurer en ladite forme.

De Moneta Melgoriensi.

Clemens Papa IV. ad Ludouicu m Francorum Regem.

Extrait des Archives du Chapitre de Magalone.

En 1266. CERTUM de moneta Melgoriensi, quam idem Episcopus eundi facit, ut dicitur
ou 67. in feudo Ecclesia, ei scribimus quod iuri consonum arbitramur & Christiane
conueniens honestati.